



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bibliotheca Scriptorvm Sacri Ordinis Cisterciensis Elogiis Plvrimorvm Maxime Illvstrivm Adornata

Visch, Charles de

Coloniæ Agrippinæ, 1656

Epistola Perillustris, Reuerendissimi & Eximij Domini Ioannis Caramvelis,
Misiensis Episcopi nominati, Abbatis cœnobij Monserratensis in Bohemia,
&c.

urn:nbn:de:hbz:466:1-38433

EPISTOLA 2.

EIVSDEM AD EVNDEM.

REVERENDE admodum Pater,
Litteras vestras datas 9. Iulij præsentis anni, intra mensem accepi, & gaudis sum ex nostris aliquas ad manus Paternitatis Vestræ peruenisse. Quod ad Authores Hispanos pertinet, verius tractavit Chrystomus Henriquez in Phœnice (nam aliundè mutuauit) quam alia, in alijs libris quos luci dedit: nisi quod tamen in aliquibus errauit; non quod alienos Cistercio nostro adscripserit, sed quod ex proprijs, inter se quosdam confuderit, & in tempore, alijsque nonnullis à veritate deuiauerit. Quæ omnia, vt potui, in primis illis litteris Paternitati Vestræ adnotata remisi.

Philippum Segnum, vt dixi, per varios casus, ad manus meas perductum, Paternitati Vestræ libens communico; opus imperfectum, & in quo magis laudabilis conatus, quam profectus: congregauit ex Gallis tamen quos potuit. Et reuerà in Cistercio, modestia primum ac latendi cupido mox, quamdiu nulla Collegia florere, doctrinæ defectus; demum Commendæ & sub Commendis stupida ignorantia pauciores doctores permisit, quam viros sanctos. Sed & quos habuit antè inuentum prælum perire complures post ipsum vsque ad nostra tempora, nihil habuit, Nostris temporibus vbique creuit numerus; &, ni fallor, ex Fulienti Congregatione aliqui viri docti aliquot scripta non pœniranda prodidere: quorum maior notitia in Belgio, quàm in Hispaniâ; quamuis ad nos nonnulla penetrarunt. Valeat Reuerenda Paternitas Vestra, Ex Pace Augustâ vigesimâ quintâ die mensis Augusti, 1648.

Reuerende Paternitatis vestrae Conseruus, & Confrater,
F. ANGELVS MANRIQVE,

EPISTOLA

Perillustris, Reuerendissimi & Eximij Domini IOANNIS

CARAMVELIS, Misensis Episcopi nominati, Abbatis cœnobij Monferratensis in Bohemia, &c.

INSCRIPTIO.

Eruditissimo & Reuerendo admodum Domino CAROLO DE VISCH, S. Theol. Baccalaneo formato, & eiusdem Professore, &c. S. P. In monasterio Dunensi, ord. S. Bernardi.

REVERENDE & eruditissime Domine,
Litteras Eruditissimæ Dominationis Vestræ libentissimè vidi, gaudeoque illam benè valere, & studijs suis ordinem nostrum illustrare. A Reuerendissimo meo Veteris montis, iam
b 3) prius

EPISTOLA

prius didiceram Dominationem vestram Bibliothecam Cisterciensem ornare, sed Dominationis vestrae litteras priores non recepi, alias statim respondissem. Obediā Dominationi vestrae, & magnam clarorum hominum copiam subministrabo. Interim, Paternitas vestra vicissim dignetur amicorum conatus iuuare. D. Malachias in Campo liliorum professor, vir dignus quem vestra Dominatio inter amicos habeat, nouam Bernardi editionem meditatatur, & e varijs Bibliothecis M.S. collegit, quibus multa correxit, ac etiam auxit. Habet plus quam quingenta folia nunquam edita. Quid si Dominatio vestra iuualet? Scio in editis multa deesse quae reperiuntur in Dunensi manuscripto thesauro. Scio me ibidem multa legisse M.S. nondum edita. Causa communis agitur. Dominatio vestra dignetur recognoscere libros Diui Bernardi manuscriptos, & si aliquid occurrat, quod non sit in 1. Merloni Horstij editione, illud noter, & mittat ad me titulum, primam periodum, & vltimam; vt sciamus, an careamus, & debeamus requirere. Certè erit laudi monasterio, & Dominationi vestrae quam Deus custodiat largis annis. Vale. Pragæ 8. Februarij, 1648.

*Eruditissima Dominationis vestra humillimus in Christo
seruus CARAMEL Episcopus Misenfis.*

Litteras Reuerendissimi Ildefonsi Perez, Reformationis Cisterciensis per Hispaniam Generalis emeriti, S. Theol. Doctoris, & c. recepi binas (vna cum plurimorum Scriptorum Catalogo) quarum vltimam Lector reperiet in Opere hoc, verbo, Ildefonsus Perez.

EPISTOLA

Reuerendissimi, Eximijque Domini D. MATTHÆI Abbatis
Pontigniacensis cœnobij, S. Theol. Doctoris, & c.

INSCRIPTIO.

Reuerendo admodum Patri, & dilectissimo Confratri, CAROLO DE VISCH, Religioso ac Priori Dunensi, & Professoři Theologo.

CHARISSIME ac colendissime Pater,
Continuò à generali monasteriorum nostri ordinis visitatione, totis latè Bituricensi, vtrâque Pistauienti, Galconensi, Burdegalensi alijsque affinis prouincijs disperforum, vnam è tuis, decimiquinti Septembris, alteram septimi Decembris vno eodemque tempore delatas accepimus, nec eis commodius, nec tuis votis citius, quàm reduces, & à paucis etiamnum diebus redditi Lutetiae, respondendo fuimus. Felices, si felicius laudabili illius (enius conatum laudamus) operi, aliquid nostri studij & laboris conferre possemus. Quàm libentissimè, & summa propensi animi contentione, si quid aut consecuturi, aut collaturi, omnem nostram operam & diligentiam adhiberemus! Cum indè maxima gloriae Dei, & Ordinis accessio honoris & splendorum fieret, vnde infiniti thesauri cum nouis luminibus, tuis iam pridem in publica

com-